



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psal. LXXX. Qui regis Israël, intende.

**urn:nbn:de:hbz:466:1-44993**

Qui regis Israël, intende.

MALORVM DEPRECATIO VERI  
BONI PETITIO.

Ad præstantem super Sosanin Gheduth.  
Asaphi Psalmus.

*Carmen Dicolon Tetraastrophon.*

- 2 **P**Astor prospiciens qui regis Israël,  
Ioseph lanigeras ceu pecudes agens,  
Ausculta; resides qui Cherubim super,  
Lucem redde fauens tuam.
- 3 Exaltare tuam perge valentiam  
Præfens Ephraimo, Beniamino ac tuis,  
Præfens ac Menasa; denique tu salus  
Nobis omnibus adueni.
- 4 Nos reddens tibi iam restitue ô D E V S;  
Vultus da properè fulgeat vt tuus;  
Nobis semper erit namque salutifer,  
Auctor lætitiæ & bonæ.
- 5 I A S armipotens quem D E V S ô modum  
Fumandi in populi sæpè tui preces
- 6 Pones? queis miseris fercula, pocula  
Metiris lachrymis mera.
- 7 Certamen positum simus vt hostibus  
Nostris, ludus item finitimis, facis:
- 8 Nos redde armipotens, iste salutifer  
Vultus fulgeat ô D E V S.
- 9 Vitem, quam Phario transtuleras solo,  
Plantasti, penitus gentibus, aduenam,
- 10 Eiectis; colis hanc, & vacuo loco  
Radices agere efficis.
- 11 Montes umbra tegens illius induit,  
Ramos præualidis persimiles iubes
- 12 Cedris, ac teretes ad mare palmites  
Flumen tangere germina.
- 13 Disruptis patulam cur modo sepibus  
Cuncti diripiunt (nec labor) hospites?
- 14 Hanc siluestris aper proterit, hanc agri  
Depascit varia & fera.

- 15 Iam nunc armipotens ô D E V S huc redi,  
Et vitem memor hanc inspicere ab æthere;  
16 Ac plantam, tua quam dextera seuerat,  
Germen quod tibi fixeras.  
17 Ardet scissa ruens, ignibus ac perit,  
Dum vultus furor hanc increpuit tui,  
Dum flagrat facies ista, periculis  
Cunctis heu penitus subest.  
18 Constet iam ista manus, conferat ac viro,  
Quem dextræ extuleras præsidio tuæ;  
Et quem terrigenam tu tibi prouido  
Firmum robore feceras.  
19 A te distrahier, teque relinquere  
Continget minimè; viuere tu dabis  
Nobis, cura quibus tunc fuerit tui  
Cultus nominis vnica.  
20 I A S restituas armipotens D E V S  
Nos, ac da, facies splendeat vt tuæ;  
Nobis certa salus hæc fuerit: tuo  
Ergo hoc perface numine.

## P S A L M. LXXXI.

Exultate Deo adiutori nostro.

B E N I G N A E S A L V T I S  
G R A T V L A T I O.

1 Ad præstantem super Githith Afaphis

*Carmen Sapphicum.*

- 2 P R I N C I P I nostro canite, & potenti  
P R I N C I P I lætas geminate voces;  
Quem D E V M quondam tenuis benignus  
Sensit Iacob.  
3 Tollite huic hymnum, sonitusque ferte  
Tympani ac dulcis citharæ canoros;  
Tibiz his mixtæ, referantque lætum  
Nablia psalmum.  
4 Cùm refert cursum, renouatque mensis  
Certus, & festam repetit diem Sol,  
Quæ sacra in nostris numeratur annis,  
Clangite cornu.  
5 Sic statum multis tenet antè seclis  
Israel, postquam D E V S ipse Iacob  
Prouidus fouit; stata suntque ritè  
Debita iura.

I 3

6 Esse

Iam